

Նոքա ասեն, զհետ դնալով հրամանի Արքային և Կուսակալին՝ ձեռամբ Դատաւորի եւ Գործակալաց՝ առաջի բազմութեան այլազգեաց, ոմանք կատարեցան, և մնացելոց ետուն հրաման առնել ըստ օրինաց մերոց, այլ գործք Բեթղեհէմի և Ս. Աստուածածնի ոչ կատարեցան, Կուսակալն, միթէ Յոյնք յօժարի^օն տալ զվականս եկեղեցւոյն իւրեանց 'ի Բեթղեհէմ:

Ասեն՝ եկեղեցին ոչ է սեփական Յունաց, որպէս ոչ է գրեալ 'ի գիրս Սէլիմայ Արքայի, այլ առ հասարակ Բեթղեհէմ գիւղի: Եւ Յոյնք առին զայն 'ի ձեռաց Լատինաց յամին 1758. և այլ սոյնպիսի բանք երկար: Կուսակալն՝ 'ի ժիոյ կողմանէ՝ ունիք իրաւունս: զի հպատակ էք Տէրութեան: Եւ Հրեայ Սողոմոնն 'ի շնորհս Վարդապետաց եւ իբր նախածանօթ Պատրիարքին, ասէ՝ սոքա զշնորհս տեսանդ խոյ խնդրեն: Ի վիճարանութենէ անտի յայտնապէս երեւի թէ բովանդակ հարցմունք Բդեշխին են 'ի բանից Յունաց: զի Սախարեայն յառաջագոյն էր անդ, և 'ի ձեռն միջնորդաց և խոստմանց ձգեալ զնա 'ի կողմն իւրեանց, եւ նորա խոստացեալ կատարել զխնդիրս նոցա և ընդ խօսքեանին գրեալ 'ի Կոստանդինուպօլիս:

Եւ ելեալ Վարդապետաց յԱտենէ Կուսակալին՝ պատմեցին Քեահեայ Պէյին զամենայն բանսն զոր խօսեցան եւ լուան, և ասա Մէհէմէտ Ոստիկանին, և նորա քաջալերեալ զնոսա՝ խոստացաւ և ինքն եւս խօսիլ ընդ Բդեշխին և ընդ երկրորդի նորին: Իսկ հայազգի գանձապետ Յարութիւնն գտեալ զՎարդապետսն անդ՝ ծանոյց նոցա զմեկնիլ իւր գործով իւիք 'ի հայրենիս իւր, և ասա առաջի եդ նոցա 'ի դիմաց Քեահեային բերել փութով 250 քսակ վասն Կուսակալին և 20 վասն Քեահեային իբր թերհաշիւ, որով համարձակեսցի մտանել առ Բդեշխն վասն գործոյն, զի Յոյնք բազումս խոստացեալ են. և թէ՝ աղաչեցի ասէ զՔեահեայ Պէյն չափահանջել 'ի ձէնջ առաւել քան զխոստացեալն ձեր: Եւ նոքա ետուն պատառխանի՝ ցաւ է մեզ բաժանումն ձեր 'ի մէնջ, զի Պատրիարքն եւ ծերունիք յուսացեալ 'ի միջնորդութիւնս քո առաքեցին զմեզ, եւ այժմ այսպէս թողեալ զնաս, այլ վասն դրամոցն զոր պահանջես՝ չունիմք երբէք ընդ մեզ դրամ, և 'ի կատարիլ